

Allannguutissatut siunnersuut

uunga

Uunga siunnersuut: Eqqumiitsuliornermik ingerlatsineq pillugu Inatsisartut inatsisaannut allannguutissatut siunnersuut (Ataqqinaammik tunissutisitsisarneq akissarsisitsinikkullu tapiissuteqarnissamut tunngavik)

Aappassaaneerneqarnissaanut Naalakkersuisunit saqqummiunneqarpoq.

§ 2-mut

1. § 2 imatut oqaasertalerneqassaaq:

” § 2. Inatsisartut inatsisaat ulloq 1. juli 2023 atuutilissaaq.”

Allannguutissatut siunnersuummut nassuiaatit

Nassuiaatit nalinginnaasut

2022-mi Ukiakkut ataatsimiinnermi siunnersuut Naalakkersuisunit saqqummiunneqarpoq. Siunnersuut ulloq 5. oktober 2022-mi siullermeerneqarpoq, kingornatigut siunnersuut Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliami suliarineqassasoq Inatsisartut aalajangerpaat. Tamatuma kingorna siunnersuutip aappassaaneerneqarnissaa pingajussaaneerneqarnissaalu 2023-mi Upernaakkut ataatsimiinnermut kinguartinneqarnissaa Ataatsimiititaliap qinnutigaa.

§ 2-mut immikkut nassuiaatigineqartuni siunnersuummi makkua takuneqarsinnaapput:

”Aalajangersakkami takutinneqarpoq Inatsisartut inatsisaata siunnersuutigineqartutut piffissaaq atuutilerfissaa. 1. januar 2023. Tamatumani siunertaavoq allannguutip akuersissutigineqarniarneranit piaartumik atuutilernissaa.”

Siunnersuutip aappassaaneerneqarnissaata pingajussaaneerneqarnissaatalu 2023-mi Upernaakkut ataatsimiinnermut kinguartinneqarnera maannakkut tamanna isumaqarpoq, siunnersuutip ulloq 1. januar 2023-mi atuutilerfissaa, kingumut aaqiinerusoq. Nalinginnaasumik inatsisitigut tunngaviuvoq inatsisit kingumoortumik atuuttussanngorlugit atuutilersinneqartariaqannginnerat, taamaattumik Naalakkersuisut allannguutissatut siunnersuummik saqqummiussipput siunnersuutip akuersissutigineqarnerata kingorna siunnersuutip atuutilernissaa siunertaralugu.

Allannguutissatut siunnersuummi aalajangersakkanut ataasiakkaanut nassuiaatit

Nr. 1-imut

Aalajangiiffiqeqarpoq, Inatsisartut inatsisaat 1. Juli 2023 atuutilissasoq, taamaalilluni siunnersuummik Inatsisartut akuersissuteqareernerasingut atuutilissalluni.